



Na osnovu člana 13. Zakona o principima lokalne samouprave u F BiH ("Službene novine F BiH", br. 49/06, 51/09), člana 84. stav 3. Zakona o prostornom uređenju Kantona Sarajevo („Službene novine Kantona Sarajevo“, br. 24/17, 1/18), te člana 19. Statuta Općine Novo Sarajevo ("Službene novine Kantona Sarajevo", br. 5/20 – prečišćeni tekst, 20/20 - Ispravka), člana 31. Odluke o utvrđivanju uvjeta i načina za postavljanje sadržaja na fasadama građevina na području Općine Novo Sarajevo ("Službene novine Kantona Sarajevo", br. 19/21, 21/21 ispravka, 45/23, 17/24), Općinsko vijeće Novo Sarajevo, na nastavku 1. redovne sjednice održane dana 10.03.2025.godine, d o n i j e l o j e

CJENOVNIK O VISINI NAKNADE ZA POSTAVLJANJE SADRŽAJA NA FASADAMA GRAĐEVINA NA PODRUČJU OPĆINE NOVO SARAJEVO ZA 2025. GODINU

Član 1.

Ovim Cjenovnikom utvrđuje se visina, način obračunavanja i naplate troškova naknade za postavljanje reklama, reklama/firmi, reklamnih panoa, displeja, reklamnih vitrina i murala, klima uređaja, kablovskih sistema, satelitskih antena, transparentata, plakata, oglasa i sličnih sadržaja na građevinama i fasadama na području Općine Novo Sarajevo.

Član 2.

Visina naknade utvrđuje se na sljedeći način:

- za postavljanje reklama, reklamnih panoa, reklamnih vitrina, displeja i komercijalnih murala – za površine do 100 m² - 10,00 KM/m² – mjesečno, za svaki sljedeći m² koji prelazi 100 m² površine – 5,00 KM/m² – mjesečno,
- za postavljanje reklame/firme čija je površina iznad 0,5 m² – 5,00 KM/m² – mjesečno,
- za postavljanje transparentata, plakata, oglasa i sličnih sadržaja - 15,00 KM – dnevno,
- za postavljanje klima uređaja, kablovskih sistema, satelitskih antena i sličnih sadržaja, za koje se izdaje odobrenje sa neograničenim rokom trajanja, naknada iznosi 3% ukupne investicione vrijednosti, uključujući vrijednost opreme i uređaja-jednokratno,
- za ostale sadržaje koji nisu obuhvaćeni prethodnim alinejama - 10,00KM – dnevno.

Član 3.

Troškovi naknade iz člana 2. ovog Cjenovnika padaju na teret investitora, utvrđuju se posebnim rješenjem koje donosi Općinski načelnik putem Službe za oblast prostornog uređenja i urbanizma, u postupku rješavanja zahtjeva za izdavanje odobrenja za postavljanje određenog sadržaja.

Član 4.

Stupanjem na snagu ovog Cjenovnika prestaje primjena Cjenovnika o visini naknade za postavljanje naziva firme, reklama i drugih sadržaja na građevinama i fasadama na području Općine Novo Sarajevo za 2024. godinu („Službene novine Kantona Sarajevo“, br. 8/24, 14/24).

Član 5.

Ovaj Cjenovnik će se primjenjivati do stupanja na snagu Cjenovnika za narednu godinu.

Član 6.

Cjenovnik stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-2631/25
Sarajevo, 10.03.2025. godine

P R E D S J E D A V A L J U Ć I
OPĆINSKOG VIJEĆA NOVO SARAJEVO

Mr. sci. Edison Paylović

Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d

